

SAMÞYKKT

um kattahald í Neskaupstað.

1. gr.

Kattahald er bannað í þéttbýli Neskaupstaðar. Einnig er bæjarstjórn heimilt að takmarka kattahald í dreifbýli ef þess er talin brýn þörf að mati heilbrigðisnefndar.

2. gr.

Bæjarstjórn er heimilt að veita lögráða einstaklingum, sem búa í bæjarfélaginu, undanþágu frá 1. gr. og leyfi til kattahalds. Leyfið er bundið við nafn og heimilisfang einstaklingsins og óheimilt er að framselja það. Leyfið er einnig bundið við þann kött sem sótt er um heimild fyrir hverju sinni skv. eftirfarandi.

Undanþágur má veita með eftirfarandi skilyrðum í þéttbýli:

- a) Ef sótt er um leyfi til að halda kött í fjölbýlishúsi, skal skriflegt samþykki allra íbúðareigenda í sama stigagangi fylgja umsókn. Sé um að ræða parhús eða raðhús skal fylgja umsókn skriflegt samþykki eigenda aðliggjandi íbúða. Í fjölbýlishúsi með sérstökum inngangi fyrir hverja íbúð skal fylgja skriflegt leyfi allra íbúðareigenda.
- b) Árlega ber leyfishafa að framvísa vottorði dýralæknis, um að kötturinn hafi verið hreinsaður af spóluormum, svo og öðrum skilríkjum sem máli skipta.
- c) Leyfishafi skal hafa kött sinn ábyrgðartrygðan hjá viðurkenndu váttryggingafyrirtæki. Váttrygging skal ná til alls þess tjóns sem dýr hans kann að valda á mönnum og munum. Lágmarkstryggingarupphæð verði kr. 10.000.000,- (tíu milljónir).
- d) Kötturinn skal ávallt bera ól um hálsinn. Á ólinni skal vera bjalla og plata, sem í er greipt skráningarnúmer dýrsins.
- e) Leyfishafa ber að sjá svo um að köttur hans valdi ekki hættu, óþægindum eða óþrifnaði eða raski ró manna.
- f) Óheimilt er að láta kött dvelja lengur en einn mánuð á heimili án þess að sótt sé um leyfi fyrir hann.
- g) Ekki er leyfilegt að hafa fleiri en tvo ketti eldri en þriggja mánaða á sama heimilinu.
- h) Eigendum og forráðamönnum katta ber að taka tillit til fuglalífs á varptíma og eftir atvikum takmarka útiveru katta m.a. að næturlagi.

3. gr.

Umsóknum um leyfi til kattahalds skal skila inn til bæjarstjórnar, eða fulltrúa hennar á þar til gerðum eyðublöðum. Bæjarstjóri gefur út umbeðið leyfi að fenginni umsögn dýraeftirlitsmanns. Leyfishafi fær afhenta plötu, sbr. ákvæði e liðar 2. mgr. 2. gr.

Sé leyfis ekki vitjað mánuði eftir að það er veitt fellur það sjálfkrafa úr gildi.

4. gr.

Dýraeftirlitsmaður skal vera starfandi í Neskaupstað og setur bæjarstjóri honum starfsreglur. Skal hann gefa bæjarstjóra eða fulltrúa hans, sem með þessi mál fer, skriflega skýrslu um þau dýr sem hann þarf að hafa afskipti af.

Dýraeftirlitsmaður skal færa upplýsingar um leyfð dýr í þar til gerða bók. Þar skal einnig skrá nafn og heimilisfang leyfishafa. Dýraeftirlitsmaður skal árlega senda sýslumannsembættinu skrá yfir leyfða ketti

Dýraeftirlitsmaður starfar í umboði heilbrigðisnefndar og hefur eftirlit með kattahaldi í Neskaupstað.

5. gr.

Leyfishafa ber ætíð að greiða kostnað sem leiðir af broti á samþykkt þessari.

6. gr.

Bæjarstjórn getur afturkallað leyfi til kattahalds telji hún þess brýna þörf.

7. gr.

Bæjarstjórn er heimilt að láta eyða ómerktum köttum, enda hafi framkvæmdin verið auglýst með áberandi hætti með a.m.k. sjö sólarhringa fyrirvara.

8. gr.

Sé kvartað undan ágangi katta í íbúðarhverfum er meindýraeyði heimilt að veiða í búr og eyða ómerktum flækingsköttum án þess að það sé auglýst sérstaklega.

9. gr.

Með brot á samþykktum þessum skal fara samkvæmt ákvæðum laga nr. 81/1988 um hollustuhætti og heilbrigðiseftirlit.

10. gr.

Samþykkt þessi er samin og samþykkt af bæjarstjórn Neskaupstaðar og staðfestist hér með samkvæmt lögum nr. 81/1988 um hollustuhætti og heilbrigðiseftirlit til þess að öðlast gildi þegar í stað.

Ákvæði til bráðabirgða.

Þeir sem nú halda ketti skulu sækja um undanþágu frá banni samkvæmt 1. gr. fyrir 1. desember 1996.

Umhverfissráðuneytinu, 14. nóvember 1996.

F. h. r.

Ingimar Sigurðsson.

Sigurbjörg Sæmundsdóttir.

REGLUGERÐ**um breytingu á reglugerð nr. 410/1990 um ullarmat.**

1. gr.

Við 2. gr. reglugerðarinnar bætist ný málsgrein, er verður 2. mgr., svohljóðandi:

Heimilt er að meta nýtingarhlutfall ullar 2,5 prósentustigum hærra eða lægra en tilgreint er í 1. mgr.

2. gr.

Reglugerð þessi er sett samkvæmt heimild í lögum nr. 57/1990 um flokkun og mat á gærum og ull og öðast þegar gildi.

Landbúnaðarráðuneytinu, 19. nóvember 1996.

F. h. r.

Guðmundur Sigbórsson.

Jón Höskuldsson.